



## Kominike Lapres

**Sorti:** Sekretarya CINE SESEL  
**Size:** 2<sup>em</sup> Edisyon CINE SESEL  
**Dat:** 20 Mars, 2009

---

Swivan sikse premye edisyon CINE SESEL an 2008 Lasosyasyon Bannzil Kreol i anons lansman 2<sup>em</sup> edisyon konkour film CINE SESEL.

CINE SESEL i organize par Bannzil Kreol an asosyasyon avek plizyer partener e endividi ki enkli Minister pour Developman Kominoter, Sport ek Kiltir, lorganizasyon Festival Kreol, Konsey Nasyonal pour Lar, *l'Alliance Française*, *Vues d'Afrique* (sa dernyen ki baze Québec, Canada, i promouvwar prodiksyon film Ariken e kreol). CINE SESEL i benefisyé sipor *Seychelles Tourism Board*, *Seychelles Broadcasting Corporation*, *Air Seychelles*, *Creole Holidays*, *Deepam Cinema* e *Praslin Development Fund*. Son bi prensipal se pour ede dan devlopman lendistri film e an menm tan promosyon kiltir kreol atraver en mwayen artistik ki donn telman posibilite pou linisyativ e kreativite.

Sa i anliny avek lobzektif Bannzil Kreol pour lans bann programm inovater ou siport zefor nasyonal, sirtou dan ka Sesel, pour promouvwar kiltir kreol. Bannzil Kreol i annan reprezantan sorti diferan parti lemond kreolofonn, son sekretarya i baze Lenstiti Kreol e son prezidan i Patrick Nanty.

Pour son premye edisyon an 2008 CINE SESEL ti resevwar 35 partisipan dan diferan kategori (fiksyon, dokimanter, 'long' oubyen 'court métrage') enkli partisipasyon 3 Seselwa. Avek son film "**En Dezyenm Sans**" Seselwa Vincent Joseph ti ganny premye pri dan kategori fiksyon ('*long métrage*') e atraver laranzman ki CINE SESEL i annan aletranze sa ti permet li partisip dan festival film enternasyonal "*Films d'Amour de Mons*" an Belgique an Fevriye 2009. CINE SESEL i felisit Vincent Joseph pour sa partisipasyon e i pe ankouraz partisipasyon okenn lezot Seselwa ki fer byen dan bann fitir edisyon pou pran par dan bann festival film enternasyonal. Bann tel partisipasyon i kree leksperyans e loportinite pour sineas Seselwa.

Apard ki konpetisyon prensipal CINE SESEL pe osi lans en konkour baze lo program sansibilizasyon lo drwa imen an kolaborasyon avek Komite Nasyonal pour Zafer Imaniter. Sa konkour i baze lo (i) prodiksyon senaryo (*scriptwriting*) e (ii) prodiksyon film kourt. Lenformasyon pour partisipasyon pe ganny pase atraver medya e lorganizasyon CINE SESEL i ankouraz dimoun ki entereze pour pran kontak avek bann organizater de ki posib.

Komite CINE SESEL i remersye tou bann lorganizasyon ki asosye avek sa konkour e kont lo zot kontribisyon e zot sipor. CINÉ SESEL i ofer en vitrin pour bokou kreativite, pour ladekouvert e pour komansman en lendistri ki nou krwar ava anmenn benefis pour bokou dimoun.

Pour plis detay, silvouple kontakte:

Madanm P Choppy  
Lenstiti Kreol  
Anse Aux Pins

Tel: 376351  
e-mail: [kreol@intelvision.net](mailto:kreol@intelvision.net)

Madanm B Louis  
Oceangate House  
Lasanm 232

Tel: 321333  
e-mail: [sa@macs.sc](mailto:sa@macs.sc)